



Gauteng Onderwysdepartement

# Laerskool Elspark

Skoolhoof: hoof@lselspark.co.za  
Administratief: judith@lselspark.co.za  
Webwerf: www.laerskooelspark.co.za

Posbus 12009 Elspark 1418  
Tel: (011) 893-2024/5  
Faks: (011) 916-1963

2021-03-30

Geagte Ouer/Voog

## OMSENBRIEF NOMMER 3 VAN MAART 2021

### SPEIALE AANKONDIGING - MNR GERICKE

Baie dankie aan elke ouer wat hul kruisie kom trek het op ons verkiesingsdag vir die nuwe Beheerliggaam.

Geluk aan ons nuwe Beheerliggaamlede: Mnr Ferreira, Wiid, Scheepers, Dennis, Laubscher en Me Kupke.

Soos beloof is die volgende reëlings in werking as beloning vir die leerlinge:

#### Langnaweek:

Op Donderdag, 1 April sluit die skool vir die leerlinge Gr 1 tot Gr 7 om 11:00. Die leerlinge mag gewone drag dra vir die dag. Die naskoolsentrum funksioneer vanaf 11:00. Die leerlinge wat nie om 11:00 kan verdaag nie, sal in toesigklasse geplaas word tot 13:30 (normale verdaging van die skool)

#### Naskoolsentrum:

Die naskoolsentrum sal soos normaal funksioneer op Donderdag, 1 April maar is gesluit op 2 en 5 April vir die langnaweek.

### SPEL EN BORG - ME LOURENS

## SPEL EN BORG

*Het jy al begin leer vir jou spel- en borgtoets??????*

*Daar is heerlike verrassings wat op jou wag!!!! Ons gaan elke 2 weke vir jou 'n nuwe verrassing "bekend" maak.*

1

## VERRASSING 1

**Elke leerling wat volpunte vir sy toets kry ontvang elkeen 'n gratis ROOMYS!!!!!!**

**HOOP DIS GENOEG AANSPORING OM SOMMER VANDAG AL TE BEGIN  
OEFEN AAN JOU SPELWOORDE**

**Verrassing 2 volg..... in die volgende omsendbrief! Kom Elsie maak daai borglyste vol!!**



**SKOOLGELDE VIR 2021 – MNR GERICKE**



Soos u weet het ons skooljaar nie begin soos dit beplan was nie en glo ons dat dit in die toekoms beter sal gaan. Ons wil ook graag van die geleentheid gebruik maak om dankie te sê aan elke ouer wat getrou u verpligtinge nakom.

Hiermee wil ons net onder u aandag bring dat die skoolgelde vir 2021 steeds verpligtend is in terme van Artikel 39 van die Suid-Afrikaanse skolewet. In terme van Artikel 40 en 41 van die Suid-Afrikaanse skolewet kan die skool die verpligte skoolgelde afdwing.

Skoolgelde was reeds betaalbaar vir Januarie, Februarie en Maart 2021.

**Skoolgeld word bepaal as 'n jaarlikse bedrag wat betaalbaar is oor 12 maande.**

**Ons doen hiermee 'n beroep op u as ouer om asseblief hierdie verpligting t.o.v. die skoolgelde streng na te kom. Indien u enige navrae het kontak gerus vir Sonja Fourie by [sonja@lselspark.co.za](mailto:sonja@lselspark.co.za)**

SKOOLGELDBETALING 2021				
ITEM	BEDRAG PER MAAND	BETALINGSTYDPERK	BEDRAG VIR 2021	
1	Skoolgeld vir enkelkind	1 440	12 Maande	17 280
2	Skoolgeld vir tweede kind	1 440 (2 880)	12 Maande	17 280
3	Skoolgeld vir derde kind	577 (3 457)	12 Maande	6 924
<p>Skoolgeld is vooruitbetaalbaar teen die 7de van elke maand. April se skoolgelde is nou betaalbaar.</p>				
<p>Indien volle skoolgeld vir 2021 voor of op 31 Mrt betaal is, sal een maand se skoolgeld as korting aan die ouer toegestaan word. (Indien geen betaling tot 31 Mrt gemaak word nie, moet 'n skriftelike reëling met die skoolhoof getref word)</p>				
4	Naskoolgeld per kind	1 000	11 Maande	11 000
<p>Naskoolgeld is vooruitbetaalbaar teen die 7de van elke maand. April se gelde is nou betaalbaar. Geen subsidie word toegestaan nie.</p>				
5	Kleuterskoolgeld per kind	1 560	12 Maande	18 720
<p>Kleuterskool skoolgeld is vooruitbetaalbaar teen die 7de van elke maand. April se gelde is nou betaalbaar. Geen subsidie word toegestaan nie. Geen korting soos in geval van groot skool</p>				

**Uitstaande gelde!!!**

***Daar is ouers wat baie agterstallig is met skoolgeld, kleuterskoolgeld en/of naskoolgeld. Alle agterstallige gelde is reeds betaalbaar en word nou oorhandig. Kontak asb. Me Fourie om 'n reëling te tref om gelde op datum te bring.***

***Bankbesonderhede:***

***ABSA Bank***

***Tjekrekening no: 230 301 360***

***Takkode: 632005***

***Verwysing: kind se rekeningnommer of naam, van en graad***

***Neem asb. kennis dat Laerskool Elspark Ceebee Debt Collectors gebruik om al die oorhandigings te hanteer. Dringende betaling word verlang op agterstallige rekening om oorhandiging te vermy.***

***Kontroleer asb. u kleingeld en kwitansie voordat u die finansiële kantoor verlaat. Sonder 'n kwitansie kan geen regstellings gedoen word nie. Bewaar asb. u kwitansie op 'n veilige plek!***

**NB! Epos asb. bewys van betaling met uiteensetting ten opsigte van betaling na [riekie@lselspark.co.za](mailto:riekie@lselspark.co.za). Dit is baie belangrik dat u asb. altyd u kind se rekeningnommer as verwysing by alle bank inbetalings sal aandui. Indien u nie weet wat u rekeningnommer is nie, is u welkom om Me Wessels te skakel in die finansies kantoor.**

#### **KOSKAS EN TOEBROODJIES VIR BEHOEFTIGE LEERLINGE – ME KOMEN**

Laerskool Elspark het 'n koskas by die skool waaruit ons vir die leerlinge en hul gesinne voedsel verskaf vir naweke en vakansies. Ons koskas is op die oomblik dolleeg en ons sal graag dit weer wil volmaak vir tye wat ons die kos broodnodig het.

Ons vra dat leerlinge asb. sal deelneem aan ons bring-'n-blik-projek op Vrydae. Indien u bereid is om enige nie-bederfbare kos (bv. blikkies, bad benodigdhede, ens.) te skenk, stuur dit na u kind se registeronderwyser.

Ons het tans 55 leerlinge wat daaglik broodjies by die skool ontvang. Ons benodig asb. u hulp met die maak hiervan. Indien u bereid is om te help voltooi asb. die aangehegte skeurstrokie en stuur dit terug na Me Komen.

#### **ADVERTENSIEBORDE – ME LOURENS**

Ons het weer advertensieborde beskikbaar by ons skool (Finchstraat) teen R3000 per jaar (3 m x 1 m) of R1 500 (1,5 m x 1 m). Kontak Me Lourens op 082 785 2953 indien u belangstel om u maatskappy te bemark.

Ons doen 'n beroep op ouers wat maatskappye het, om ons te ondersteun.

#### **NETBAL – ME LE ROUX**

Daar is elke Dinsdag en Donderdag 13:45 tot 14:30 netbaloefening vir die O/9 tot O/13 dogters op die netbalbane.

Dogters moet gemaklik geklee wees en asseblief met seilskoene kom oefen. Elke dogter moet ook asseblief sorg vir haar eie waterbottel (Geen bottels mag gedeel word nie)

**NB! Daar sal Donderdag 1 April GEEN oefening wees nie, a.g.v. die Paasnaweek.**

#### **RUGBY – MNR SERFONTEIN**

Daar is elke Dinsdag en Donderdag 13:45 tot 14:30 rugbyoefening vir die O/9 tot O/13 seuns.

Elke seun moet asseblief sorg vir sy eie waterbottel (Geen bottels mag gedeel word nie)

NB! Daar sal Donderdag 1 April GEEN oefening wees nie, a.g.v. die Paasnaweek.

#### DISSIPLINE - MNR MULLER

Ons doen 'n beroep op ouers om asseblief te sorg dat u kind betyds by die skool is in die oggende.

Algemene voorkoms van u kind moet asb. korrek wees bv. hare netjies, korrekte skooldrag, ens. Van ons seuns se hare is nie volgens die skoolreëls gesny nie.

#### OPVOEDING - ME GROBLER

Leer u kind selfstandig dink en optree in gevaarlike en vreemde situasies. Verantwoordelike gedrag word nie aangebore nie maar aangeleer.


- Ouers moet hul kinders voorberei om gevaarlike of noodsituasies te herken en te hanteer.
- Dit is belangrik dat u kind u as ouers se telefoonnommers memoriseer en ken.
- Praat met u kinders oor gevaarlike situasies. Leer hulle dat nie almal vertrou kan word nie.
- Tref daaglikse vaste reëlings i.v.m. die tyd en plek asook deur wie u kind by die skool afgehaal word.

#### DANKBAARHEID

- Baie dankie aan elke ouer wat betrokke is by die daaglikse voedingskema van die behoeftige leerlinge. Ons waardeer u hulp ontzettend baie!!! U maak werklik 'n groot verskil in 'n kind se lewe!
- Dankie aan ons Hemelse Vader wat Sy beskermde hand van Genade daaglik oor ons hou.



Elsiegroete



W.F. GERICKE  
SKOOLHOOF



Geloof - Hoop - Liefde

**JAARTEMAS:**  
ONS BEWAAR (2010)  
EENHEID MAAK MAG (2011)  
TEMPO-ONDERWYS MAAK N VERSKIL (2012)  
KOM GROEI SAAM (2013)  
AKADEMIE IS NO. 1! (2014)  
E-LEARNING@ELSIES! (2015)  
VERNUWING BRING VOORSPOED (2016)  
WERKSETIEK EN HOË STANDAARDE (2017)  
AANSPREEKLIKHEID EN VERANTWOORDELIKHEID (2018)  
VINDINGRYKHEID (2019)  
SKOOLDISCIPLINE SKEP 'n GOEIE LEEROMGEWING (2020)  
GELOOF, HOOP, LIEFDE (2021)  
[www.laerskoolespark.co.za](http://www.laerskoolespark.co.za)

---

### Skeurstrokie - Toebroodjies vir behoeftige leerlinge

Ek \_\_\_\_\_ ouer/voog van \_\_\_\_\_ in gr \_\_\_\_\_ is bereid  
om toebroodjies te maak vir 55 leerlinge \_\_\_\_\_ keer per kwartaal.

---

Handtekening

---

Kontaknommer